



**Resolución do 19 de xaneiro de 2022, da Dirección Xeral de Xustiza, pola que se convoca a provisión en comisión de servizo de postos de traballo no órgano de nova creación entre persoal funcionario dos corpos e escalas ao servizo da Administración de xustiza.**

A Lei orgánica 6/1985, do 1 de xullo, do poder xudicial (LOPX), regula no seu artigo 527.1º a provisión temporal de postos vacantes mediante a comisión de servizos entremetres non resulte posible a súa provisión definitiva mediante concurso de traslados.

Coa finalidade de dotar o cadro de persoal do órgano xudicial de nova creación en Galicia, establecido no *Real Decreto 1052/2021, de 30 de novembro, de creación de cincuenta e seis unidades judiciais correspondientes a la programación de 2021 y de cuatro plazas de Juez de Adscripción Territorial (BOE núm. 287)*, procede anunciar a súa provisión temporal co obxecto de que o persoal funcionario interesado poida solicitar as oportunas comisións de servizos.

Daquela, en aplicación das competencias que lle corresponden a este órgano consonte o artigo 20.1 do Estatuto de Autonomía de Galicia, en relación co Real decreto 2397/1996, sobre transferencia a esta comunidade de medios persoais para o servizo da Administración de xustiza, co artigo 525 da LOPX e mais co Decreto 214/2020, do 3 de decembro, polo que se establece a estrutura orgánica da Vicepresidencia Primeira e Consellería de Presidencia, Xustiza e Turismo,

**DISPOÑO:**

*Primeiro. Obxecto*

O procedemento e a convocatoria teñen por obxecto posibilitar a provisión de forma temporal, mediante comisión de servizos, dos postos de traballo reservados ao persoal funcionario integrante dos corpos de xestión procesual e administrativa, de tramitación procesual e administrativa e de auxilio xudicial que se indican no anexo I.

O cadro de persoal do órgano xudicial está pendente de aprobación, polo que o número de postos convocado pode ter modificacións.

*Segundo. Solicitantes*

Poderán solicitar as comisións de servizos, con exención de funcións nos seus postos actuais, o persoal funcionario de carreira dos corpos ao servizo da Administración de xustiza que se atope en situación de servizo activo no mesmo corpo dos postos que se convocan e que no prazo de presentación de solicitudes leve prestando como mínimo seis (6) meses de servizos no posto desde o que participa, xa sexa provisional ou definitivo.

*Terceiro. Criterios de adxudicación*

A adxudicación das comisións de servizo farase con base na maior puntuación obtida tras se aplicaren os criterios de antigüidade no corpo e nivel de coñecemento da lingua galega, segundo o establecido no anexo II da presente resolución. En caso de empate acudirase ao escalafón.





Aquelas persoas solicitantes que durante o procedemento de resolución das comisións de servizo convocadas pola presente resolución obteñan destino definitivo mediante calquera outro proceso de provisión, entenderase que desisten da solicitude presentada ao abeiro desta convocatoria.

#### Cuarto. *Solicitudes*

As persoas interesadas, deberán presentar unha instancia axustada ao modelo que se axunta como Anexo II a esta resolución.

#### Quinto. *Informe*

Para cumprir co previsto no artigo 73 do Real decreto 1451/2005, do 7 de decembro, polo que se aproba o Regulamento de ingreso, provisión de postos de traballo e promoción profesional do persoal funcionario ao servizo da Administración de Xustiza, as solicitudes irán acompañadas co informe, preceptivo e non vinculante, da persoa responsable do órgano, servizo ou unidade no que se atope destinado o persoal funcionario solicitante. No caso de que o órgano correspondente non emita informe, entenderase que é favorable, sempre que a persoa interesada acredite que o solicitou.

Ademais, para o caso de que o destino da persoa solicitante radique fóra da Comunidade Autónoma de Galicia, esta deberá presentar, xunto coa solicitude, o informe favorable do Ministerio de Xustiza ou órgano competente da comunidade autónoma respectiva. De non ser posible, deberá presentar acreditación de que efectivamente o solicitou.

#### Sexto. *Lugar e prazo de presentación de solicitudes*

O prazo de presentación de solicitudes será de cinco (5) días hábiles contados a partir do día seguinte ao da publicación desta convocatoria na intranet de xustiza (<http://intranet.xustiza.gal>) e mais na web da Vicepresidencia Primeira e Consellería de Presidencia, Xustiza e Turismo (<https://cpapx.xunta.gal/comisions-de-servizo>).

As solicitudes dirixiranse á Dirección Xeral de Xustiza e presentaranse obrigatoriamente por medios electrónicos, conforme o modelo que se inclúe como anexo II. Para a remisión de dita solicitude, na sede electrónica da Xunta de Galicia (<https://sede.xunta.gal>) está dispoñible o modelo de solicitude xenérica co código PR004A, e para a súa presentación poderase empregar calquera dos mecanismos de identificación e sinatura admitidos pola sede electrónica da Xunta de Galicia, incluído o sistema de usuario e clave Chave365 (<https://sede.xunta.gal/chave365>).

#### Sétimo. *Características das comisións de servizos*

A provisión temporal das prazas ofertadas concederase co carácter de comisión de servizos voluntaria.

A duración da comisión de servizos abranguerá ata a adxudicación das prazas mediante concurso de traslados, sendo o período mínimo de permanencia na comisión de servizos de seis (6) meses, sen que se poida exceder o período máximo previsto na normativa aplicable. En caso de renuncia á comisión de servizos antes de que transcorran seis (6) meses, a persoa funcionaria non poderá acceder a unha nova comisión de servizos durante o prazo dun ano contado desde a data de inicio da referida comisión.

Todo o persoal funcionario seleccionado se deberá presentar no destino asignado o día indicado na resolución en que se publique a lista definitiva das adxudicacións. No caso





de que algunha das persoas seleccionadas non se presente ao posto adxudicado, terase por renunciado e cubrirase o posto coa seguinte persoa funcionaria da relación definitiva de puntuación.

As vacacións e permisos a gozar desde o día de inicio da comisión de servizos deberanse solicitar novamente desde o destino asignado en comisión de servizos.

O persoal funcionario que se atope en comisión de servizo conservará o seu posto de orixe e terá dereito ás retribucións complementarias do posto que desempeñe.

#### Oitavo. *Resolución*

Finalizado o prazo de presentación de solicitudes, e tras a súa baremación, a persoa titular da Dirección Xeral de Xustiza ditará resolución de adxudicación, que se publicará de xeito simultáneo na intranet de xustiza (<http://intranet.xustiza.gal>) e mais na web da Vicepresidencia Primeira e Consellería de Presidencia, Xustiza e Turismo (<https://cpapx.xunta.gal/comisions-de-servizo>).

#### Noveno. *Recursos*

Contra a presente resolución, que esgota a vía administrativa, poderase interpoñer recurso de reposición ante o director xeral de Xustiza no prazo dun mes, ou recurso contencioso-administrativo ante o órgano competente no prazo de dous meses. Ambos os dous prazos se contarán a partir do día seguinte ao da publicación desta resolución na intranet de xustiza (<http://intranet.xustiza.gal>) e mais na web da Vicepresidencia Primeira e Consellería de Presidencia, Xustiza e Turismo (<https://cpapx.xunta.gal/comisions-de-servizo>).

O director xeral de Xustiza  
Juan José Martín Álvarez

*DOCUMENTO ASINADO ELECTRONICAMENTE*





## ANEXO I

### Postos de nova creación vacantes

Corpo de xestión procesual e administrativa

Código	Unidade xudicial	Localidade	Provincia	Nº prazas
1	XULGADO MERCANTIL Nº 3	A CORUÑA	A CORUÑA	2

Corpo de tramitación procesual e administrativa

Código	Unidade xudicial	Localidade	Provincia	Nº prazas
2	XULGADO MERCANTIL Nº 3	A CORUÑA	A CORUÑA	3

Corpo de auxilio xudicial

Código	Unidade xudicial	Localidade	Provincia	Nº prazas
3	XULGADO MERCANTIL Nº 3	A CORUÑA	A CORUÑA	1





**ANEXO II**

PROCEDEMENTO	TIPO DE DOCUMENTO
Provisión de postos por comisión de servizos convocados por Resolución da Dirección Xeral de Xustiza de ... de ..... de 2022	<b>SOLICITUDE</b>

DATOS DA PERSOA SOLICITANTE			
NOME	PRIMEIRO APELIDO	SEGUNDO APELIDO	NIF
DATA DE NACEMENTO	ENDEREZO		
CÓDIGO POSTAL	PROVINCIA	CONCELLO	
TELÉFONO	TELÉFONO MÓBIL	CORREO ELECTRÓNICO	
POSTO ACTUAL			
DENOMINACIÓN			
UNIDADE			
LOCALIDADE/PROVINCIA			

**MÉRITOS**

Núm. de escalafón:	Antigüidade no respectivo corpo:	Coñecemento de lingua galega:	
		Certificado Celga ou equivalente	<input type="checkbox"/>
		Curso medio de linguaxe xurídica	<input type="checkbox"/>
		Curso superior de linguaxe xurídica	<input type="checkbox"/>
Corpo actual			
Data de posesión no corpo actual			

**POSTOS SOLICITADOS**

CÓDIGO	UNIDADE	LOCALIDADE/PROVINCIA
	XULGADO MERCANTIL Nº 3	A CORUÑA

\_\_\_\_\_, \_\_\_\_\_ de \_\_\_\_\_ de 2022

Sinatura:





Visto e prace do superior funcional



**Dirección Xeral de Xustiza**  
**Vicepresidencia Primeira e Consellería de Presidencia, Xustiza e Turismo**  
**Rúa Madrid, 2-4, planta 2ª, polígono das Fontiñas**  
**15781 Santiago de Compostela (A Coruña)**

